

**RIALACHÁN CUR CHUN FEIDHME (AE) 2021/622 ÓN gCOIMISIÚN**  
**an 15 Aibreán 2021**

**lena leagtar síos caighdeáin theicniúla cur chun feidhme le haghaidh chur i bhfeidhm Threoir 2014/59/AE ó Pharlaimint na hEorpa agus ón gComhairle maidir le teimpléid aonfhoirmeacha don tuairisciú, treoracha agus modheolaíocht chun tuairisciú a dhéanamh ar an íoscheanglas maidir le cistí dílse agus dliteanais incháilithe a thuairisciú**

(Téacs atá ábhartha maidir le LEE)

TÁ AN COIMISIÚN EORPACH

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir 2014/59/AE ó Pharlaimint na hEorpa agus ón gComhairle an 15 Bealtaine 2014 lena mbunaítear creat chun institiúidí creidmheasa agus gnóilachtaí infheistíochta a théarnamh agus a réiteach agus lena leasaítear Treoir 82/891/CEE ón gComhairle, agus Treoracha 2001/24/CE, 2002/47/CE, 2004/25/CE, 2005/56/CE, 2007/36/CE agus 2011/35/AE, 2012/30/AE agus 2013/36/AE, agus Rialacháin (AE) Uimh. 1093/2010 agus (AE) Uimh. 648/2012 ó Pharlaimint na hEorpa agus ón gComhairle <sup>(1)</sup>, agus go háirithe Airteagal 45j(2), an tríú fómhír, de,

De bharr an mhéid seo a leanas:

- (1) Tugadh de chúram do na húdaráis réitigh íoscheanglais a shocrú maidir le cistí dílse agus dliteanais incháilithe (MREL) i gcomhréir leis na ceanglais agus na nósanna imeachta a leagtar síos in Airteagail 45 go 45i de Threoir 2014/59/AE. Chun cabhrú leis an Údarás Baincéireachta Eorpach (ÚBE) cóineasú a chur chun cinn ar fud an Aontais chun MREL a shocrú, ceanglaítear ar na húdaráis réitigh faoi Airteagal 45j den Treoir sin ÚBE a chur ar an eolas, i gcomhar leis na húdaráis inniúla, faoi MREL atá socraithe acu.
- (2) Le Rialachán Cur Chun Feidhme (AE) 2018/308 ón gCoimisiún <sup>(2)</sup>, sonraítear formáidí agus teimpléid chun go ndéanfaidh na húdaráis réitigh an faisnéis maidir lena gcinntí lena socraítear MREL a tharchur chuig ÚBE. Ón uair a glacadh an Rialachán Cur Chun Feidhme sin, leasaíodh na ceanglais a bhaineann le cumas ionsúcháin cailiteanais agus cumas athchaipitliúcháin agus, go háirithe, na gnéithe agus na modheolaíochtaí a bhaineann le MREL na n-institiúidí creidmheasa agus na ngnóilachtaí infheistíochta a leagtar síos i dTreoir 2014/59/AE a shocrú agus sonraítear tuilleadh iad i dTreoir (AE) 2019/879 ó Pharlaimint na hEorpa agus ón gComhairle <sup>(3)</sup>.
- (3) Chun an faireachán a dhéanfaidh ÚBE ar chinntí MREL a éascú agus chun a áirithiú go ndéanfar measúnú fóinteach ar chóineasú ar fud an Aontais chun MREL a shocrú, ba cheart na formáidí agus na teimpléid a shonraítear ionas go mbeidh na húdaráis réitigh in ann faisnéis maidir le MREL a shainathint agus a tharchur chuig ÚBE, ba cheart iad a oiriúnú chun na leasuithe ar Threoir 2014/59/AE a léiriú, go háirithe maidir le leibhéil fo-ordaithe MREL agus MREL a chuirtear i bhfeidhm ar eintitis nach eintitis réitigh iad féin.
- (4) Maidir le grúpaí atá faoi réir MREL ar bhonn comhdhlúite, is gá a shoiléiriú cén t-údarás réitigh ba cheart faisnéis MREL a tharchur chuig ÚBE. Dá bhrí sin, na húdaráis réitigh atá freagrach as focuicideachtaí grúpaí, i gcomhar le húdaráis inniúla, ba cheart dóibh an tacar MREL a chur in iúl do ÚBE, tacar a socraíodh le haghaidh gach institiúid faoina dhlínse. Ar an bhfaisnéis sin, ba cheart a áireamh an MREL a socraíodh ar bhonn cinneadh comhpháirteach idir údarás réitigh an eintitis réitigh, an t-údarás réitigh ar ghrúpleibhéal, i gcás nach ionann é agus údarás réitigh an

<sup>(1)</sup> IO L 173, 12.6.2014, lch. 190.

<sup>(2)</sup> Rialachán Cur Chun Feidhme (AE) 2018/308 ón gCoimisiún an 1 Márta 2018 lena leagtar síos caighdeáin theicniúla cur chun feidhme do Threoir 2014/59/AE ó Pharlaimint na hEorpa agus ón gComhairle maidir le formáidí, teimpléid agus sainmhínithe le haghaidh údarás réitigh faisnéis a shainathint agus a tharchur chun críocha an tÚdarás Baincéireachta Eorpach a chur ar an eolas faoin íoscheanglas maidir le cistí dílse agus dliteanais incháilithe (IO L 60, 2.3.2018, lch. 7).

<sup>(3)</sup> Treoir (AE) 2019/879 ó Pharlaimint na hEorpa agus ón gComhairle an 20 Bealtaine 2019 lena leasaítear Treoir 2014/59/AE maidir le hacmhainneacht ionsúcháin cailiteanais agus acmhainneacht athchaipitliúcháin institiúidí creidmheasa agus gnóilachtaí infheistíochta agus Treoir 98/26/CE (IO L 150, 7.6.2019, lch. 296).

eintitis réitigh, agus an t-údarás réitigh atá freagrach as an bhfochuideachta ar bhonn aonair. In éagmais cinneadh comhpháirteach, ba cheart a áireamh ar an bhfaisnéis sin freisin cinntí lena socraítear MREL a rinne údarás réitigh na fochuideachta i gcomhréir, i gcás inarb infheidhme, leis an gcinneadh a fhéadfaidh ÚBE a dhéanamh i gcomhréir le hAirteagal 19 de Rialachán (AE) Uimh. 1093/2010 ó Pharlaimint na hEorpa agus ón gComhairle (\*).

- (5) Chun cóineasú cleachtas faoi chinntí maidir le MREL a chur chun cinn agus chun ról faireacháin ÚBE a neartú, ba cheart ailíniú a dhéanamh ar na tréimhsí tuairiscithe agus ar na dátaí tiolactha le haghaidh faisnéis a tharchur faoi thuairisciú iomlán simplithe na n-údarás réitigh chuig ÚBE.
- (6) Chun feabhas a chur ar cháilíocht na sonraí agus chun inchoimparáideacht a áirithiú, ba cheart do na hítimí sonraí a leagtar amach sna teimpléid tuairiscithe an tsamhail pointe sonraí aonair a chomhlíonadh, faoi mar atá an cleachtas tuairiscithe maoirseachta. Léiriú struchtúrach ar na hítimí sonraí a ba cheart a bheith sa tsamhail pointe sonraí aonair, ba cheart dó na coincheapa gnó ábhartha uile a shainithint chun tuairisciú aonfhoirmeach a dhéanamh ar chinntí maidir le MREL agus ba cheart na sonraíochtaí ábhartha go léir is gá chun réitigh aonfhoirmeacha tuairiscithe TF a fhorbairt tuilleadh a bheith inti. Ar an gcúis chéanna, ba cheart an fhormaid malartaithe sonraí a leagan amach i gcóras tuairiscithe ÚBE (EUCLID).
- (7) Chun cáilíocht, comhsheasmhacht agus cruinneas na n-ítimí sonraí a thuairiscítear a áirithiú, ba cheart na hítimí sonraí a bheith faoi réir rialacha bailíochtaithe coiteanna.
- (8) I bhfianaise a mhéid is gá leasuithe a dhéanamh ar Rialachán Cur Chun Feidhme (AE) 2018/308, is iomchuí, ar mhaithe le soiléireacht, trédhearcacht agus deimhneacht dhlíthiúil, an Rialachán Cur Chun Feidhme sin a aisghairm agus Rialachán Cur Chun Feidhme nua a chur ina ionad.
- (9) Tá an Rialachán seo bunaithe ar na dréachtchaighdeáin theicniúla cur chun feidhme a chuir ÚBE faoi bhráid an Choimisiúin.
- (10) Tá comhairliúcháin phoiblí oscailte déanta ag ÚBE maidir leis na dréachtchaighdeáin theicniúla cur chun feidhme ar a bhfuil an Rialachán seo bunaithe, tá anailís déanta aige ar na costais agus ar na tairbhí a d'fhéadfadh a bheith ag baint leo agus d'iarr sé comhairle ón nGrúpa Geallsealbhóirí Baincéireachta arna bhunú i gcomhréir le hAirteagal 37 de Rialachán (AE) Uimh. 1093/2010,

TAR ÉIS AN RIALACHÁN SEO A GHLACADH:

#### *Airteagal 1*

### **Faisnéis atá le tarchur chuig ÚBE**

Déanfaidh na húdaráis réitigh, i gcomhar leis na húdaráis inniúla, an fhaisnéis a shonraítear sna teimpléid a leagtar amach in Iarscríbhinní I agus II a ghabhann leis an Rialachán seo agus a bhaineann le MREL a shocrú a tharchur chuig ÚBE i gcomhréir le hAirteagal 45 go 45h agus le hAirteagal 45m de Threoir 2014/59/AE.

#### *Airteagal 2*

### **Ceanglas tuairiscithe simplithe ar institiúidí atá faoi réir tarscaoiltí agus ar institiúidí a bhfuil méid an athchaipitliúcháin cothrom le nialas**

1. Maidir le hinstitiúidí ar dóibh a tarscaoileadh cur i bhfeidhm MREL de bhun Airteagal 45f(3), Airteagal 45f(4) nó Airteagal 45g de Threoir 2014/59/AE, ní dhéanfaidh na húdaráis réitigh an fhaisnéis a shonraítear i gcolún 0010 go colún 0100 agus i gcolún 0270 d'Iarscríbhinn I a ghabhann leis an Rialachán seo a tharchur ach chuig ÚBE amháin.
2. Maidir le hinstitiúidí a bhfuil an méid athchaipitliúcháin cothrom le nialas, méid arna shocrú i gcomhréir le hAirteagal 45c(2) de Threoir 2014/59/AE, agus i gcás nach ndéantar aon choigeartuithe ar an méid ionsúcháin caillteanais i gcomhréir leis an mír sin, ní dhéanfaidh na húdaráis réitigh a tharchur chuig ÚBE ach an fhaisnéis a shonraítear i gcolún 0010 go colún 0080 agus i gcolún 0270 d'Iarscríbhinn I a ghabhann leis an Rialachán seo.

(\*) Rialachán (AE) Uimh. 1093/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (An tÚdarás Baincéireachta Eorpach), lena leasaítear Cinneadh Uimh. 716/2009/CE agus lena n-aisghairtear Cinneadh 2009/78/CE ón gCoimisiún (IO L 331, 15.12.2010, lch. 12).

*Airteagal 3***Údarás tuairiscithe agus faisnéis atá le tuairisciú le haghaidh grúpaí**

I gcás grúpaí atá faoi réir MREL ar bhonn comhdhlúite i gcomhréir le hAirteagal 45e, Airteagal 45f(1), an tríú fomhír, agus Airteagal 45f(4), pointe (b), de Threoir 2014/59/AE, tíolacfaidh na húdaráis seo a leanas an fhaisnéis dá dtagraítear in Airteagail 1 agus 2 ar an mbealach seo a leanas:

- (a) cuirfidh údarás réitigh ar ghrúpleibhéal, i gcomhar le húdarás maoirseachta ar ghrúpleibhéal, ÚBE ar an eolas faoi MREL mháthairghnóthas an Aontais a shocraítear ar bhonn comhdhlúite;
- (b) na húdaráis réitigh a dhéanfaidh na cinntí lena socraítear MREL, i gcomhar leis an údarás inniúil, cuirfidh siad ÚBE ar an eolas faoin MREL a bheidh le cur i bhfeidhm ar fhochuideachtaí an ghrúpa atá faoina ndlínse ar leibhéal comhdhlúite an ghrúpa réitigh agus ar bhonn aonair de réir mar is infheidhme.

*Airteagal 4***Tréimhsí tuairiscithe agus dátaí tíolactha**

Faoin 31 Bealtaine gach bliain, tarchuirfidh na húdaráis réitigh an fhaisnéis dá dtagraítear in Airteagail 1 agus 2 don MREL is infheidhme ón 1 Bealtaine an bhliain sin.

*Airteagal 5***Formáidí malartaithe sonraí agus faisnéis a ghabhann le tíolacthaí**

1. Tíolacfaidh na húdaráis réitigh an fhaisnéis dá dtagraítear in Airteagail 1 agus 2 san fhormaid malartaithe sonraí agus i gcomhréir le sonraíochtaí agus uirill theicniúla chóras tuairiscithe ÚBE (EUCLID).
2. Nuair a bheidh an fhaisnéis dá dtagraítear in Airteagail 1 agus 2 á tíolacadh, urramóidh na húdaráis réitigh sainmhínte phointe sonraí na samhla pointe sonraí agus na rialacha bailíochtaithe a leagtar síos in Iarscríbhinn III chomh maith leis na sonraíochtaí seo a leanas:
  - (a) faisnéis nach bhfuil de cheangal a sholáthar nó nach infheidhme, ní chuirfear i dtíolacadh sonraí í;
  - (b) cuirfear luachanna uimhriúla isteach mar a leanas:
    - (i) déanfar pointí sonraí a bhfuil an cineál sonraí “Airgeadaíoch” ag gabháil leo a thuairisciú trí úsáid a bhaint as beachtas íosta is ionann agus mílte aonad;
    - (ii) déanfar pointí sonraí a bhfuil an cineál sonraí “Céatadán” ag gabháil leo a shloinneadh in aghaidh an aonaid agus beachtas íosta acu is ionann agus ceithre dheachúil;
    - (iii) déanfar pointí sonraí an chineáil sonraí “Slánuimhir” a thuairisciú trí úsáid a bhaint as beachtas íosta is ionann agus aonaid agus gan deachúla a úsáid;
  - (c) saináithneofar institiúidí, gnóthais árachais agus eintitis dhlíthiúla ar a nAitheantóir Eintitis Dhlítheanaigh (LEI), i gcás ina mbeidh siad ar fáil.

*Airteagal 6***Aisghairm**

Déantar, leis seo, Rialachán Cur Chun Feidhme (AE) 2018/308 a aisghairm.

*Airteagal 7***Teacht i bhfeidhm**

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 15 Aibreán 2021.

*Thar ceann an Choimisiúin*  
*An tUachtarán*  
Ursula VON DER LEYEN

---

## M 20.00 – Tuairiscíú ar chinntí maidir le MREL

INSTITIÚID														
CÓD EINTITIS	CINEÁL CÓID	CÓD EINTITIS RÉITIGH	CINEÁL CÓID	IMLÍNE CHOMHDHLÚ-THAITHE	CINEÁL INSTITIÚIDE	MREL INMHEÁNACH NÓ SEACHTRACH	TUAIRISCIÚ SIMPLITHE	TARSCAOI-LEADH	CÚIS AN TARSCAOILTE	STRAITÉIS AGUS UIRLISÍ RÉITIGH				
										STRAITÉIS RÉITIGH	PRÍOMHUIR-LIS RÉITIGH (STRAITÉIS THO-SAÍOCHTA)	UIRLIS THÁNAIS-TEACH RÉITIGH (STRAITÉIS THO-SAÍOCHTA)	PRÍOMHUIR-LIS RÉITIGH (STRAITÉIS MHALARTACH)	UIRLIS THÁNAISTEACH RÉITIGH (STRAITÉIS MHALARTACH)
0010	0020	0030	0040	0050	0060	0070	0080	0090	0100	0110	0120	0130	0140	0150

INSTITIÚID				SONRAÍ AN CHLÁIR CHOMHARDAITHE A ÚSÁIDTEAR CHUN MREL A CHALABRÚ						
CEANGLAS CISTÍ DÍLSE BREISE AGUS CEANGLAS MAOLÁIN COMHCHEANGAILTE				DÁTA TAGARHA	ROIMH AN RÉITEACH			TAR ÉIS AN RÉITIGH		
DÁTA TAGARHA	CEANGLAS CISTÍ DÍLSE BREISE MAR % DE TREA	CEANGLAS MAOLÁIN COMHCHEANGAILTE	INA MEASC: CAIPITEAL MAOLÁNACH FRITH-THIMTHRIALLACH		TREA	TLOF	TEM	TREA	TLOF	TEM
0160	0170	0180	0190	0200	0210	0220	0230	0240	0250	0260

CINNEADH MAIDIR LE MREL											
DÁTA AN CHINNIDH	DÁTA AN CHOMHLÍONTA	CEANGLAS MAR % DE TREA	INA MEASC: FÉADFAR É A CHOMHLÍONADH TRÍ RÁTHAÍOCHTAÍ	CEANGLAS MAR % DE TEM	INA MEASC: FÉADFAR É A CHOMHLÍONADH TRÍ RÁTHAÍOCHTAÍ	FO-ORDÚ IOMLÁN MAR % DE TREA		FO-ORDÚ IOMLÁN MAR % DE TEM		LAMHÁLTAS FIACHAIS SHINSEARAIGH	LAMHÁLTAS DE MINIMIS
						CEANGLAS FO-ORDÚCHÁIN ÉIGEANTACH	CEANGLAS FO-ORDÚCHÁIN LÁNROGHNACH	CEANGLAS FO-ORDÚCHÁIN ÉIGEANTACH	CEANGLAS FO-ORDÚCHÁIN LÁNROGHNACH		
0270	0280	0290	0300	0310	0320	0330	0340	0350	0360	0370	0380

COIGEARTUITHE										IDIRTHRÉIMHSE					
COIGEARTUITHE LE hAGHAIDH AN MÉID IONSÚCHÁIN CAILLTEANAIS A CHALABRÚ		COIGEARTUITHE LE hAGHAIDH AN MÉID ATHCHAIPTILITHE A CHALABRÚ MAR % DE TREA						COIGEARTUITHE LE hAGHAIDH AN MÉID ATHCHAIPTILITHE A CHALABRÚ MAR % DE TEM		SPRIOC IDIRMHEÁNACH					
		COIGEARTUITHE AR AN gCEANGLAS CISTÍ DÍLSE BREISE		COIGEARTUITHE AR AN MAOLÁN MUINÍNE MARGAIDH		COIGEARTUITHE ATÁ MAR THORADH AR AN ATHRÚ AR AN gCLÁR COMHARDAITHE TAR ÉIS AN RÉITIGH		COIGEARTUITHE ATÁ MAR THORADH AR AN ATHRÚ AR AN gCLÁR COMHARDAITHE TAR ÉIS AN RÉITIGH		MAR % DE TREA			MAR % DE TEM		
MAR % DE TREA	MAR % DE TEM	SUAS	SÍOS	SUAS	SÍOS	SUAS	SÍOS	SUAS	SÍOS	LEIBHÉAL MREL	FO-ORDÚ	DÁTA CUR I bhFEIDHM	LEIBHÉAL MREL	FO-ORDÚ	DÁTA CUR I bhFEIDHM
0390	0400	0410	0420	0430	0440	0450	0460	0470	0480	0490	0500	0510	0520	0530	0540

## IARSCRÍBHINN II

## TREORACHA LE HAGHAIDH TUAIRISCIÚ A CHRÍOCHNÚ AR CHINNTÍ MAIDIR LE MREL

## CUID I

## TREORACHA GINEARÁLTA

1. Cumhdaítear san Iarscríbhinn seo na treoracha maidir le tuairisciú i gcomhréir le hAirteagal 45j de Threoir 2014/59/AE maidir leis an gceanglas maidir le cistí dílse agus dliteanais incháilithe (MREL) arna leagan síos ag na húdaráis réitigh.
2. Cuirfidh gach údarás réitigh, i gcomhar le húdaráis inniúla, in iúl do ÚBE maidir leis an tacar MREL i ndáil le gach institiúid faoina dhlínse. I dtaca le grúpaí réitigh, déanfaidh an t-údarás réitigh ar ghrúpleibhéal an fhaisnéis ábhartha a tharchur le haghaidh mháthairghnóthas an Aontais ar bhonn comhdhlúite. Déanfaidh gach údarás réitigh an fhaisnéis a tharchur maidir leis an tacar MREL i ndáil le grúpaí réitigh agus fo-chuideachtaí.
3. I dtaca le grúpaí arna mbunú san Aontas Baincéireachta nó a bhfuil fochuideachtaí acu laistigh di, tuairisceoidh an Bord Réitigh Aonair maidir le cinntí arna nglacadh i ndáil le gach eintiteas a thagann faoina dhlínse faoi mar a shainítear in Airteagal 7(2) de Rialachán (AE) Uimh. 806/2014 ó Pharlaimint na hEorpa agus ón gComhairle <sup>(1)</sup>.
4. I gcás ina bhfuil na sonraí in airgeadra nach é an euro é, úsáidfidh na húdaráis rátaí tagartha malairte eachtraí euro de chuid an Bhainc Cheannais Eorpaigh ([https://www.ecb.europa.eu/stats/policy\\_and\\_exchange\\_rates/euro\\_reference\\_exchange\\_rates/html/index.en.html](https://www.ecb.europa.eu/stats/policy_and_exchange_rates/euro_reference_exchange_rates/html/index.en.html)) ag dáta ar a ndearna an cinneadh maidir le MREL agus gach méid a thuairisciú in euro.
5. I gcás ina bhfuair institiúid díolúine ó MREL, cuirfear sin in iúl i gcolún 0090, agus is féidir leis an údarás réitigh tuairisciú simplithe a roghnú agus gan ach an fhaisnéis i gcolúin 0010 agus 0100 a thuairisciú. I gcás ina bhfuil institiúid faoi réir méid athchaipitliúcháin cothrom le nialas agus nach ndéantar an méid ionsúcháin cailteanais a choigeartú, is féidir leis an údarás réitigh tuairisciú simplithe a roghnú agus gan ach an fhaisnéis i gcolúin 0010 go 0080 a thuairisciú.

**1. Raon feidhme an fhógra**

6. Institiúidí (lena n-áirítear gnólachtaí infheistíochta, faoi mar a shainítear in Airteagal 2(1), pointe (23), de Threoir 2014/59/AE) agus eintitis dá dtagraítear in Airteagal 1(1), pointí (b), (c) agus (d), de Threoir 2014/59/AE atá faoi réir Airteagal 45(1) den Treoir sin, cé is moite d'institiúidí creidmheasa morgáistí arna maoiniú ag bannaí cumhdaithe atá díolmhaithe ó MREL i gcomhréir le hAirteagal 45a de Threoir 2014/59/AE.

**2. Raon feidhme an chomhdhlúthaithe**

7. Tuairisceofar na sonraí foluiteacha ar bhonn aonair i ndáil le gach eintiteas laistigh de gach Ballstát, nó ar leibhéal aon cheann de na heintitis seo a leanas:
  - (a) máthairghnóthas an Aontais ar bhonn comhdhlúite, i gcás inarb ionann an imlíne comhdhlúthaithe do mháthairghnóthas an Aontais agus imlíne comhdhlúthaithe an ghrúpa réitigh;
  - (b) i gcás nár b ionann agus pointe (a), i ndáil le gach eintiteas réitigh ar leibhéal comhdhlúite an ghrúpa réitigh i gcomhréir le hAirteagal 45e de Threoir 2014/59/AE;
  - (c) i gcás inarb infheidhme, le haghaidh máthairghnóthas ar bhonn comhdhlúite i gcomhréir le hAirteagal 45f(4) pointe (b), de Threoir 2014/59/AE nó an tríd fomhír d'Airteagal 45f(1) den Treoir sin.

<sup>(1)</sup> Rialachán (AE) Uimh. 806/2014 ó Pharlaimint na hEorpa agus ón gComhairle an 15 Iúil 2014 lena mbunaítear rialacha aonfhoirmeacha agus nós imeachta aonfhoirmeach maidir le réiteach institiúidí creidmheasa agus gnólachtaí infheistíochta áirithe faoi chuimsiú Sásra Réitigh Aonair agus Ciste Réitigh Aonair agus lena leasaítear Rialachán (AE) Uimh. 1093/2010 (IO L 225, 30.7.2014, lch. 1).

### 3. Spriocdháta le haghaidh tíolacadh

8. Déanfaidh na húdaráis réitigh an fhaisnéis a thraschur le haghaidh an MREL is infheidhme an 1 Bealtaine gach bliain faoin 31 Bealtaine sa bhliain chéanna.

## CUID II

### TREORACHA A BHAINNEANN LE TEIMPLÉID

#### 4. M 20.00 – Tuairisciú maidir le cinní MREL

##### 4.1. Treoracha a bhaineann le colúin shonracha

Colún	Tagairtí dlíthiúla agus treoracha
0010	<p><b><u>CÓD EINTITIS</u></b></p> <p>Cód an eintitis ar dó a rinneadh an cinneadh maidir le MREL. I dtaca le hinstitiúidí, is é an cód aitheantóir eintitis dhlítheanaigh (LEI) alfa-uimhriúil, ina bhfuil 20 digit, an cód a úsáidfeá. I dtaca le heintitis eile, is é an cód alfa-uimhriúil LEI ina bhfuil 20 digit, an cód a úsáidfeá, nó, i gcás nach bhfuil sin ar fáil, cód faoi chódú aonfhoirmeach atá infheidhme san Aontas, nó, i gcás nach bhfuil sin ar fáil, cód náisiúnta a úsáid.</p> <p>Beidh an cód comhsheasmhach leis an gcód arna thuirisciú le haghaidh na hinstitiúide céanna faoi Rialachán Cur Chun Feidhme (AE) 2018/1624 ón gCoimisiún <sup>(2)</sup>. Beidh luach ag an gcód i gcónaí. Beidh an cód sin ina aitheantóir aonair le haghaidh gach colúin don eintiteas ábhartha.</p>
0020	<p><b><u>CINEÁL CÓID</u></b></p> <p>Déanfaidh an t-údarás tuairiscithe an cineál cóid a thuiriscítear i gcolún 0010 a aithint mar “cód LEI” nó mar “cód neamh-LEI” é. Tuairisceofar an cineál cóid i gcónaí.</p>
0030	<p><b><u>CÓD EINTITIS RÉITIGH</u></b></p> <p>Cód an eintitis réitigh a mbaineann an t-eintiteas leis. Is é an cód céanna sin a bheidh ann agus a bheidh i gcolún 0010 más amhlaidh gur cinneadh grúpa an cinneadh a thuiriscítear. I dtaca le hinstitiúidí, is é an cód alfa-uimhriúil LEI, ina bhfuil 20 digit, an cód a úsáidfeá. I dtaca le heintitis eile, is é an cód alfa-uimhriúil LEI ina bhfuil 20 digit, an cód a úsáidfeá, nó, i gcás nach bhfuil sin ar fáil, cód faoi chódú aonfhoirmeach atá infheidhme san Aontas, nó, i gcás nach bhfuil sin ar fáil, cód náisiúnta a úsáid.</p> <p>Beidh an cód comhsheasmhach leis an gcód arna thuirisciú le haghaidh na hinstitiúide céanna faoi Rialachán Cur Chun Feidhme (AE) 2018/1624.</p>
0040	<p><b><u>CINEÁL CÓID</u></b></p> <p>Déanfaidh an t-údarás tuairiscithe an cineál cóid a thuiriscítear i gcolún 0030 a aithint mar “cód LEI” nó mar “cód neamh-LEI” é. Tuairisceofar an cineál cóid i gcónaí.</p>
0050	<p><b><u>IMLÍNE CHOMHDHLÚTHAITHE</u></b></p> <p>Tuairisceoidh na húdaráis tuairiscithe ar MREL ag ceann amháin de na himlínte comhdhlúthaithe seo a leanas:</p> <ul style="list-style-type: none"> <li>(a) grúpa réitigh;</li> <li>(b) arna chomhdhlúthú ar leibhéal an mháthairghnóthais i gcomhréir le hAirteagal 45f(4), pointe (b), nó i gcomhréir leis an tríú fómhír d’Airteagal 45f(1) de Threoir 2014/59/AE;</li> <li>(c) ar bhonn aonair.</li> </ul>

<sup>(2)</sup> Rialachán Cur Chun Feidhme (AE) 2018/1624 ón gCoimisiún an 23 Deireadh Fómhair 2018 lena leagtar síos caighdeán theicniúla cur chun feidhme maidir le nósanna imeachta agus foirmeacha agus teimpléid chaighdeánacha le haghaidh soláthair faisnéise chun críocha pleananna réitigh le haghaidh institiúidí creidmheasa agus gnólachtaí infheistíochta de bhun Threoir 2014/59/AE ó Pharlaimint na hEorpa agus ón gComhairle, agus lena n-aisghairtear Rialachán Cur Chun Feidhme (AE) 2016/1066 ón gCoimisiún (IO L 277, 7.11.2018, lch. 1).



0060	<p><b><u>CINEÁL INSTITIÚIDE</u></b></p> <p>Tuairisceoidh na húdaráis tuairiscithe ceann díobh seo a leanas:</p> <p>(a) institiúid a bhfuil tábhacht shistéamach dhomhanda léi (G-SII) faoi mar a shainítear in Airteagal 4(1), pointe (133), de Rialachán (AE) Uimh. 575/2013 ó Pharlaimint na hEorpa agus ón gComhairle <sup>(3)</sup>;</p> <p>(b) eintiteas réitigh dá dtagraítear in Airteagal 45c(5) de Threoir 2014/59/AE ar cuid de ghrúpa réitigh é a bhfuil sócmhainní iomlána aige thar EUR 100 billiún ar leibhéal an ghrúpa réitigh;</p> <p>(c) eintiteas réitigh dá dtagraítear in Airteagal 45c(6) de Threoir 2014/59/AE ar cuid de ghrúpa réitigh é a bhfuil sócmhainní faoi bhun EUR 100 billiún aige agus ar mheas an t-údarás réitigh faoi gur dócha, go réasúnach, go mbeidh riosca sistéimeach ag baint leis sa chás go gcliseann air;</p> <p>(d) institiúid creidmheasa eile;</p> <p>(e) gnólacht infheistíochta;</p> <p>(f) aon eintiteas eile dá dtagraítear in Airteagal 1(1), pointí (b), (c) nó (d), de Threoir 2014/59/AE.</p>
0070	<p><b><u>INMHEÁNACH NÓ SEACHTRACH</u></b></p> <p>Tuairisceoidh na húdaráis tuairiscithe ceann díobh seo a leanas:</p> <p>(a) inmheánach: MREL á chur i bhfeidhm maidir le heintitis nach eintitis réitigh iad de bhun Airteagal 45f de Threoir 2014/59/AE nó eintitis réitigh dá dtagraítear sa cheathrú fómhír d'Airteagal 45f(1) den Treoir sin nach bhfuil faoi réir Airteagal 45e(3) den Treoir sin.</p> <p>(b) seachtrach: MREL á chur i bhfeidhm maidir le heintitis ar eintitis réitigh iad de bhun Airteagal 45e de Threoir 2014/59/AE.</p>
0080	<p><b><u>TUAIRISCIÚ SIMPLITHE</u></b></p> <p>Cuirfidh údaráis tuairiscithe in iúl cé acu atá tuairisciú simplithe le haghaidh institiúidí ina bhfuil an méid athchaipitliúcháin cothrom le nialas agus nach ndearnadh aon choigeartú ar an méid ionsúcháin caillteanais á chur i bhfeidhm, nó nach bhfuil:</p> <p>— Tá</p> <p>— Níl</p>
0090	<p><b><u>TARSCAOILEADH</u></b></p> <p>Cuirfidh údaráis tuairiscithe in iúl cé acu ar deonaíodh an tarscaoileadh ar bhonn ceann amháin d'fhorálacha Threoir 2014/59/AE seo a leanas nó nár deonaíodh aon tarscaoileadh:</p> <p>(a) Airteagal 45f(3);</p> <p>(b) Airteagal 45f(4);</p> <p>(c) Airteagal 45g;</p> <p>(d) Gan tarscaoileadh.</p>
0100	<p><b><u>CÚIS AN TARSCAOILTE</u></b></p> <p>I gcás inar tuairiscíodh rogha seachas “Níl” i gcolún 0090, déanfaidh údaráis tuairiscithe tuairisc ar an gcúis leis an tarscaoileadh a chur i bhfeidhm.</p>
0110-0150	<p><b><u>STRAITÉIS AGUS UIRLISÍ RÉITIGH</u></b></p>
0110	<p><b><u>STRAITÉIS RÉITIGH</u></b></p> <p>Tuairisceoidh na húdaráis tuairiscithe ceann díobh seo a leanas:</p> <p>(a) dul isteach pointe aonair;</p> <p>(b) dul isteach ilphointe;</p> <p>(c) leachtú.</p>

<sup>(3)</sup> Rialachán (AE) Uimh. 575/2013 ó Pharlaimint na hEorpa agus ón gComhairle an 26 Meitheamh 2013 maidir le ceanglais stuamachta i gcomhair institiúidí creidmheasa agus gnólachtaí infheistíochta, agus lena leasaítear Rialachán (AE) Uimh. 648/2012 (IO L 176, 27.6.2013, lch. 1).

0120	<p><b><u>PRÍOMHUIRLIS RÉITIGH (STRAITÉIS THOSAÍOCHTA)</u></b></p> <p>Tuairisceoidh na húdaráis tuairiscithe ceann díobh seo a leanas:</p> <ul style="list-style-type: none"> <li>(a) tarrtháil inmheánach bainc oscailte;</li> <li>(b) droichead-institiúid;</li> <li>(c) deighilt sócmhainní;</li> <li>(d) díol gnó;</li> <li>(e) Neamhbhainteach.</li> </ul> <p>I gcás inar tuairiscíodh “leachtú” i gcolún 0110, tuairisceofar Neamhbhainteach i gcolún 0120.</p>
00130	<p><b><u>UIRLIS THÁNAISTEACH RÉITIGH (STRAITÉIS THOSAÍOCHTA)</u></b></p> <p>Tuairisceoidh na húdaráis tuairiscithe ceann díobh seo a leanas:</p> <ul style="list-style-type: none"> <li>(a) tarrtháil inmheánach bainc oscailte;</li> <li>(b) droichead-institiúid;</li> <li>(c) deighilt sócmhainní;</li> <li>(d) díol gnó;</li> <li>(e) Neamhbhainteach.</li> </ul> <p>I gcás inar tuairiscíodh “leachtú” i gcolún 0110 nó i gcás nár leagadh amach aon straitéis mhalartach eile, tuairisceofar Neamhbhainteach sa cholún seo.</p>
0140	<p><b><u>PRÍOMHUIRLIS RÉITIGH (STRAITÉIS MHALARTACH)</u></b></p> <p>Tuairisceoidh na húdaráis tuairiscithe ceann díobh seo a leanas (i gcás inarb infheidhme):</p> <ul style="list-style-type: none"> <li>(a) tarrtháil inmheánach bainc oscailte;</li> <li>(b) droichead-institiúid;</li> <li>(c) deighilt sócmhainní;</li> <li>(d) díol gnó;</li> <li>(e) Neamhbhainteach.</li> </ul> <p>I gcás inar tuairiscíodh “leachtú” i gcolún 0110, tuairisceofar Neamhbhainteach sa cholún seo.</p>
0150	<p><b><u>UIRLIS THÁNAISTEACH RÉITIGH (STRAITÉIS MHALARTACH)</u></b></p> <p>Tuairisceoidh na húdaráis tuairiscithe ceann díobh seo a leanas:</p> <ul style="list-style-type: none"> <li>(a) tarrtháil inmheánach bainc oscailte;</li> <li>(b) droichead-institiúid;</li> <li>(c) deighilt sócmhainní;</li> <li>(d) díol gnó;</li> <li>(e) Neamhbhainteach.</li> </ul> <p>I gcás inar tuairiscíodh “leachtú” i gcolún 0110 nó i gcás nár leagadh amach aon straitéis mhalartach eile, tuairisceofar Neamhbhainteach sa cholún seo.</p>
0160-0190	<p><b><u>CEANGLAS CISTÍ DÍLSE BREISE AGUS CEANGLAS MAOLÁIN COMHCHEANGAILTE</u></b></p> <p>An fhaisnéis faoin gceanglas maidir le cistí dílse breise de bhun Airteagal 104a de Threoir 2013/36/AE ó Pharlaimint na hEorpa agus ón gComhairle (*) arna húsáid mar ionchur chun MREL a chalabhrú, beidh sí bunaithe ar na ceanglais is déanaí atá ar fáil maidir le cistí dílse agus a chuireann an t-údarás inniúil in iúl an tráth a dhéantar MREL a chalabhrú.</p>

(\*) Treoir 2013/36/AE ó Pharlaimint na hEorpa agus ón gComhairle an 26 Meitheamh 2013 maidir le rochtain ar ghníomhaíocht institiúidí creidmheasa agus maoirseacht stuamachta ar institiúidí creidmheasa agus ar ghnóilachtaí infheistíochta, lena leasaítear Treoir 2002/87/CE agus lena n-aisghairtear Treoracha 2006/48/CE agus 2006/49/CE (IO L 176, 27.6.2013, lch. 338).

0160	<p><b><u>DÁTA TAGARTHA</u></b></p> <p>An dáta ar chuir an t-údarás inniúil na ceanglais cistí dílse breise agus ceanglas maoláin comhcheangailte in iúl don institiúid.</p>
0170	<p><b><u>CEANGLAS MAR CHÉATADÁN DE MHÉID NA RISÍOCHTA IOMLÁINE AR PHRIACAL (TREA)</u></b></p> <p>Ceanglas cistí dílse breise de bhun Airteagal 104a de Threoir 2013/36/AE a úsáidtear chun MREL a chalabhrú nó de réir mar a measadh i gcomhréir le caighdeáin theicniúla rialála arna nglacadh faoi Airteagal 45c(4) de Threoir 2014/59/AE.</p>
0180	<p><b><u>CEANGLAS MAOLÁIN COMHCHEANGAILTE</u></b></p> <p>Ceanglas maoláin comhcheangailte dá dtagraítear in Airteagal 128(1), pointe (6), de Threoir 2013/36/AE. Is é méid na gcistí dílse is gá chun na ceanglais maoláin chaipitil faoi seach a chomhlíonadh an méid a thuairisceofar nó faoi mar atá measta i gcomhréir leis na caighdeáin theicniúla rialála arna nglacadh faoi Airteagal 45c(4) de Threoir 2014/59/AE.</p>
0190	<p><b><u>INA MEASC: CAIPITEAL MAOLÁNACH FRITH-THIMTHRIALLACH</u></b></p> <p>Airteagal 128, pointe (2), Airteagal 130 agus Airteagail 135 go 140 de Threoir 2013/36/AE. Is éard a bheidh sa mhéid a thuairisceofar, méid na gcistí dílse a theastaíonn chun na ceanglais maidir le caipiteal maolánach faoi seach a chomhlíonadh a úsáidtear chun MREL a chalabhrú.</p>
0200-0260	<p><b><u>SONRAÍ AN CHLÁIR CHOMHARDAITHE A ÚSÁIDTEAR CHUN MREL A CHALABRÚ</u></b></p>
0200	<p><b><u>DÁTA TAGARTHA</u></b></p> <p>Dáta tagartha na sonraí arna dtuairisciú i gcolúin 0210 go 0260.</p>
0210-0230	<p><b><u>ROIMH AN RÉITEACH</u></b></p> <p>Sonraí an chláir chomhardaithe a úsáidtear chun MREL a chalabhrú roimh an réiteach.</p>
0240-0260	<p><b><u>TAR ÉIS AN RÉITIGH</u></b></p> <p>Sonraí an chláir chomhardaithe a úsáidtear chun MREL a chalabhrú tar éis an réitigh.</p>
0210, 0240	<p><b><u>TREA</u></b></p> <p>Méid na risíochta iomláine ar phriacal i gcomhréir le hAirteagal 45(2), pointe (a), de Threoir 2014/59/AE agus le hAirteagal 92(3) de Rialachán (AE) Uimh. 575/2013.</p>
0220, 0250	<p><b><u>IOMLÁN NA nDLITEANAS AGUS NA gCISTÍ DÍLSE (TLOF)</u></b></p> <p>Suim iomlán dhliteanais agus chistí dílse uile an eintitis tuairiscithe. Maidir le díorthaigh, is éard a bheidh sa luach atá le húsáid suim na nglansuíomhanna dliteanais, agus rialacha glanluachála stuamachta á gcur san áireamh.</p> <p>Comhfhreagraíonn an ítim seo don fhaisnéis arna tuairisciú i ró 0600 de theimpléad Z 02.00 d'Iarscríbhinn I a ghabhann le Rialachán Cur Chun Feidhme (AE) 2018/1624.</p>
0230, 0260	<p><b><u>TOMHAS RISÍOCHTA IOMLÁINE (TEM)</u></b></p> <p>Tomhas risíochta iomláine i gcomhréir le hAirteagal 45(2), pointe (b) de Threoir 2014/59/AE, Airteagal 429(4) agus le hAirteagal 429a de Rialachán (AE) Uimh. 575/2013.</p>
0270-0380	<p><b><u>CINNEADH MAIDIR LE MREL</u></b></p>
0270	<p><b><u>DÁTA AN CHINNTE</u></b></p> <p>An dáta ar ar chinn an t-údarás réitigh MREL nó ar ghlac sé cinneadh maidir le tarscaoileadh.</p>
0280	<p><b><u>DÁTA AN CHOMHLÍONTA</u></b></p> <p>An dáta óna ndéanfaidh an institiúid cinneadh MREL nó an cinneadh maidir le tarscaoileadh a chomhlíonadh.</p>
0290	<p><b><u>CEANGLAS MAR CHÉATADÁN DE TREA</u></b></p> <p>Tuairisceoidh na húdarás tuairiscithe MREL arna shloinneadh mar chéatadán de TREA arna ríomh i gcomhréir le hAirteagal 92(3) de Rialachán (AE) Uimh. 575/2013.</p>

0300	<p><b><u>INA MEASC: FÉADFAR É A CHOMHLÍONADH LE RÁTHAÍOCHTAÍ</u></b></p> <p>An chuid den cheanglas a thuairiscítear i gcolún 0290 ach cead a fháil ón údarás réitigh ábhartha, féadfar í a chomhlíonadh trí ráthaíocht a chuirfidh an t-eintiteas réitigh ar fáil i gcomhréir le hAirteagal 45f(5) de Threoir 2014/59/AE, a shloinntear mar chéatadán de TREA arna ríomh i gcomhréir le hAirteagal 92(3) de Rialachán (AE) Uimh. 575/2013.</p>
0310	<p><b><u>CEANGLAS MAR CHÉATADÁN DE TEM</u></b></p> <p>MREL an eintitis arna shloinneadh mar chéatadán de TEM arna ríomh i gcomhréir le hAirteagal 429(4) agus Airteagal 429a de Rialachán (AE) Uimh. 575/2013.</p>
0320	<p><b><u>INA MEASC: FÉADFAR É A CHOMHLÍONADH LE RÁTHAÍOCHTAÍ</u></b></p> <p>An chuid den cheanglas a thuairiscítear i gcolún 0310 féadfar í a chomhlíonadh trí ráthaíocht a chuirfidh an t-eintiteas réitigh ar fáil ach cead a fháil ón údarás réitigh ábhartha, i gcomhréir le hAirteagal 45f(5) de Threoir 2014/59/AE, a shloinntear mar chéatadán de TREA arna ríomh i gcomhréir le hAirteagal 429(4) agus Airteagal 429a de Rialachán (AE) Uimh. 575/2013.</p>
0330-0340	<p><b><u>FO-ORDÚ IOMLÁN MAR CHÉATADÁN DE TREA</u></b></p> <p>Tuairisceoidh na húdaráis tuairiscithe leibhéil na gceanglas fo-ordúcháin arna sloinneadh mar chéatadán de TREA (100 % do MREL inmheánach).</p>
0350-0360	<p><b><u>FO-ORDÚ IOMLÁN MAR CHÉATADÁN DE TEM</u></b></p> <p>Tuairisceoidh na húdaráis tuairiscithe leibhéil na gceanglas fo-ordúcháin arna sloinneadh mar chéatadán de TEM (100 % do MREL inmheánach).</p>
0330, 0350	<p><b><u>CEANGLAS FO-ORDÚCHÁIN ÉIGEANTACH</u></b></p> <p>Déanfaidh na húdaráis tuairiscithe leibhéil na gceanglas fo-ordúcháin a thuairiscíú i gcomhréir le hAirteagal 45c, míreanna (5) agus (6) agus Airteagal 45d(2), pointe (a), de Threoir 2014/59/AE, lena n-áirítear aon tionchar ó chur i bhfeidhm Airteagal 45b(4) de Threoir 2014/59/AE.</p>
0340, 0360	<p><b><u>CEANGLAS LÁNROGHNACH FO-ORDÚCHÁIN</u></b></p> <p>Déanfaidh na húdaráis tuairiscithe leibhéil na gceanglas fo-ordúcháin a thuairiscíú i gcomhréir le hAirteagal 45b, míreanna (5) nó (7) de Threoir 2014/59/AE.</p>
0370	<p><b><u>LAMHÁLTAS FIACHAIS SHINSEARAIGH</u></b></p> <p>I gcás G-SIIInna, tuairisceoidh na húdaráis tuairiscithe an sciar dliteanas a bhfuil cead acu cáiliú mar ionstraimí dliteanas incháilithe go dtí méid comhiomlán nach mó ná 3,5 % de TREA arna ríomh i gcomhréir le hAirteagal 92, míreanna (3) agus (4) de Rialachán (AE) Uimh. 575/2013.</p>
0380	<p><b><u>LAMHÁLTAS DE MINIMIS</u></b></p> <p>Maidir le G-SIIInna, déanfaidh údaráis tuairiscithe sciar na ndlíteanas eisiata dá dtagraítear in Airteagal 72a(2) de Rialachán (AE) Uimh. 575/2013 agus is ceadmhach a rangú faoi dhócmhainneacht <i>pari passu</i> nó faoi bhun dhliteanais incháilithe na hinstitiúide i gcomhréir le hAirteagal 72b(4) de Rialachán(AE) Uimh. 575/2013.</p>
0390-0480	<p><b><u>COIGEARTUITHE</u></b></p>
0390-0400	<p><b><u>COIGEARTUITHE CHUN AN MÉID IONSÚCHÁIN CAILLTEANAIS A CHALABRÚ MAR CHÉATADÁIN DE TREA AGUS TEM</u></b></p> <p>Coigeartuithe ar an méid ionsúcháin cailteanais de bhun an dara fomhír d'Airteagal 45c(2) de Threoir 2014/59/AE arna sloinneadh mar chéatadán de TREA agus TEM.</p>
0410-0460	<p><b><u>COIGEARTUITHE CHUN AN MÉID ATHCHAIPITLIÚCHÁIN A CHALABRÚ MAR CHÉATADÁN DE TREA</u></b></p> <p>Coigeartuithe ar an méid athchaipitliúcháin de bhun Airteagal 45c(3), an chéad fomhír, pointe (a)(ii) nó Airteagal 45c(7), an chéad fomhír, pointe (a)(ii), de Threoir 2014/59/AE arna sloinneadh mar chéatadán de TREA.</p>

0410-0420	<b><u>COIGEARTUITHE AR AN gCEANGLAS CISTÍ DÍLSE BREISE</u></b> Ionchur ar aon choigeartú ar cheanglas cistí dílse breise dá dtagraítear in Airteagal 104a de Threoir 2013/36/AE de bhun Airteagal 45c(3), an cúigiú fomhír, pointe (b), nó Airteagal 45c(7), an cúigiú fomhír, pointe (b) de Threoir 2014/59/AE.
0430-0440	<b><u>COIGEARTUITHE A BHAINNEANN LEIS AN MAOLÁN MUINÍNE MARGAIDH</u></b> Coigeartuithe de bhun an séú fomhír d'Airteagal 45c(3), nó de bhun Airteagal 45c(7), an séú fomhír, de Threoir 2014/59/AE.
0450-0460	<b><u>COIGEARTUITHE ATÁ MAR THORADH AR AN ATHRÚ AR AN gCLÁR COMHARDAITHE TAR ÉIS AN RÉITIGH</u></b> Coigeartuithe de bhun Airteagal 45c(3), an cúigiú fomhír, pointe (a), nó 45c(7), an cúigiú fomhír, pointe (a), de Threoir 2014/59/AE.
0470-0480	<b><u>COIGEARTUITHE CHUN AN MÉID ATHCHAIPTLIÚCHÁIN A CHALABRÚ MAR CHÉATADÁN DE TEM</u></b> Coigeartuithe ar an méid athchaitliúcháin mar thoradh ar athruithe sa chlár comhardaithe tar éis an réitigh de bhun Airteagal 45c(3), an chéad fhomhír, pointe (b)(ii) nó Airteagal 45c(7), an chéad fhomhír, pointe (b)(ii), de Threoir 2014/59/AE arna sloinneadh mar chéatadán de mhéid na risíochta iomláine.
0410 0430 0450 0470	<b><u>SUAS</u></b>
0420 0440 0460 0480	<b><u>SÍOS</u></b>
0490-0540	<b><u>IDIRTHRÉIMHSE</u></b> Léireoidh na húdaráis tuairiscithe aon sprioc idirmheánach a d'fhéadfadh a bheith socraithe acu le haghaidh na mblianta tar éis an dáta tuairiscithe. Déanfar an sprioc a shloinneadh mar chéatadán de TREA agus mar chéatadán de TEM araon.
0490, 0520	<b><u>LEIBHÉAL MREL</u></b> Léireoidh na húdaráis tuairiscithe leibhéal iomlán MREL a chomhlíonfaidh na hinstiúidí ar an dáta idirmheánach.
0500, 0530	<b><u>FO-ORDÚ</u></b> Tabharfaidh na húdaráis tuairiscithe le fios an leibhéal fo-ordaithe iomlán a chomhlíonfaidh na hinstiúidí ar an dáta idirmheánach.
0510, 0540	<b><u>DÁTA CHUR I bhFEIDHM</u></b> Léireoidh na húdaráis tuairiscithe dátaí aistrithe na conaire i dtreo MREL a chomhlíonadh.

## IARSCRÍBHINN III

**Samhail Pointe Sonraí Aonair agus Rialacha maidir le Bailíochtú**

## CUID A hAON

**Samhail Pointe Sonraí Aonair**

Na hítimí sonraí ar fad a leagtar amach in Iarscríbhinní I agus II, déanfar samhail pointe sonraí aonair díobh, ar bunús é le haghaidh chórais aonfhoirmeacha TF na n-údarás réitigh.

Leis an tsamhail pointe sonraí aonair, comhlíonfar na critéir seo a leanas:

- (a) soláthrófar ionadaíocht struchtúrtha ar na hítimí sonraí ar fad a leagtar amach in Iarscríbhinní I agus II;
- (b) sainaitheofar na coincheapa gnó go léir a leagtar amach in Iarscríbhinní I agus II;
- (c) soláthrófar foclóir sonraí lena sainaitheofar lipéid táblaí, lipéid ordanáide, lipéid aise, lipéid fearann, lipéid toisí agus lipéid ball;
- (d) déanfar méadrachtaí a sholáthar lena saineofar an mhaoín nó líon na bpointí sonraí;
- (e) soláthrófar sainmhínte ar phointe sonraí a shloinnfear mar chomhdhéanamh de na saintréithe lena sainaitheofar an coincheap airgeadais gan aon débhrí;
- (f) beidh na sonraíochtaí teicniúla ábhartha go léir is gá ann chun réitigh tuairiscithe TF a fhorbairt lena soláthrófar tuairisciú maidir le réiteach aonfhoirmeach.

## CUID A DÓ

**Rialacha maidir le Bailíochtú**

Na hítimí a leagtar amach in Iarscríbhinní I agus II, beidh siad faoi réir rialacha maidir le bailíochtú lena n-áiríteofar cáilíocht agus comhsheasmhacht sonraí.

Leis na rialacha maidir le bailíochtú, comhlíonfar na critéir seo a leanas:

- (a) cinnfear na caidrimh loighciúla idir pointí sonraí ábhartha;
  - (b) beidh scagairí agus réamhchoinníollacha iontu lena gcinneofar tacar sonraí a mbeidh feidhm ag riail bhailíochtúcháin maidir leis;
  - (c) seiceálfar comhsheasmhacht na sonraí tuairiscithe;
  - (d) seiceálfar cruinneas na sonraí tuairiscithe;
  - (e) leagfar síos luachanna réamhshocraithe a chuirfear i bhfeidhm i gcás nár tuairiscíodh an fhaisnéis ábhartha.
-